



ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ № 0044-23

Ձեռնարկողը՝

«Հայնախագիծ» ԲԲԸ
 ք. Երևան, Չարենցի 1

Գործունեությունը՝

«Շիրակ-11» միկրոռեզիդենս մակարդակի
 համակցված տարածական պլանավորման
 փաստաթղթերի (ՄՄՀՏՊՓ) շրջակա միջավայրի
 վրա ազդեցության ուղղակի և անուղղակի
 գնահատման հաշվետվություն
 Շիրակի մարզ

«Շրջակա միջավայրի վրա ազդեցության
 փորձաքննական կենտրոն» ՊՈԱԿ-ի
 տնօրենի պարտականությունները կատարող՝



Խաչիկ Մարտիրոսյան

Առդիր եզրակացությունը՝ 13 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱԿԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

ԲՓ № 0044-23

«14» 03 2023թ.

**«Շիրակ-11» միկրոռեգիոնալ մակարդակի համակցված տարածական
պլանավորման փաստաթղթերի (ՄՄՀՏՊՓ) շրջակա միջավայրի վրա
ազդեցության ռազմավարական գնահատման հաշվետվություն**

Ձեռնարկող՝	«Հայնախագիծ» ԲԲԸ
Փաստաթղթի տեսակը՝	Հիմնադրությային փաստաթուղթ
Ներկայացված նյութեր՝	ՄՄՀՏՊՓ նախագծեր, շրջակա միջավայրի վրա ազդեցության ռազմավարական գնահատման /ՇՄԱՌԳ/ հաշվետվություն
Իրականացման վայրը՝	Շիրակի մարզի

Ներածական մաս. Միկրոռեգիոնալ մակարդակի համակցված տարածական պլանավորման փաստաթղթերի մշակման նախագծի հայեցակարգային, սոցիալ-տնտեսական հիմնավորումը նպատակաուղղված է տարածաշրջանի և համայնքների ներքին պոտենցիալ հնարավորությունների և նախադրյալների բացահայտմանը, դրանց լիարժեք, համակողմանի և արդյունավետ օգտագործմանը՝ բնապահպանական խնդիրների համալիրի իրականացմամբ:

Շրջակա միջավայրի վրա ազդեցության ռազմավարական գնահատման (ռէգ) հաշվետվությունը կազմվել է «Շրջակա միջավայրի վրա ազդեցության փորձաքննական կենտրոն» ՊՈԱԿ-ի կողմից տրամադրված Տեխնիկական առաջադրանքի հիման վրա:

Հայաստանի Հանրապետության Շիրակի մարզի միկրոռեգիոնալ մակարդակի՝ համակցված տարածական պլանավորման փաստաթղթերի (Շիրակ 11՝ Անուշավան, Լուսակերտ, Հոռոմ, Հովտաշեն, Մեղրաշեն, Նոր կյանք, Սարատակ, Վարդաքար, Փանիկ) նախագիծը մշակվել է ՀՀ Կառավարության որոշմամբ, ՀՀ քաղաքաշինության կոմիտեի պատվերով (N ՀՀՔԿ-ԲՄԱՇՁԲ-22/1):

Շրջակա միջավայրի վրա ազդեցության գնահատման և փորձաքննության (այսուհետ՝ Փորձաքննություն) ներկայացված ՄՄՀՏՊՓ նախագիծը՝ /ՇՄԱՌԳ հաշվետվությամբ/ համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի 1-ին մասի, հանդիսանում է հիմնադրությային փաստաթուղթ:

ՇԻՐԱԿԻ տարածաշրջանի ՄՄՀՏՊՓ նախագծի «Շրջակա միջավայրի բարելավման ու պահպանման միջոցառումներ» բաժինը մշակված է ՄՄՀՏՊՓ համապատասխան, հաշվի առնելով նշված համայնքների 2017-2021թթ. զարգացման ծրագրերը:

Նկարագրական մաս. Շիրակի մարզը վարչատարածքային միավոր է Հայաստանի հանրապետության հյուսիս-արևմուտքում, մարզկենտրոն Գյումրի քաղաքը գտնվում է



Երևանից 118 կմ հեռավորության վրա, բարձրությունը ծովի մակերևույթից շուրջ 1550 մ է:
Պետական սահմանով արևմուտքից սահմանակից է Թուրքիային, հյուսիսից՝ Վրաստանին, արևելքից սահմանակից է՝ Հայաստանի Լոռու մարզին և հարավից՝ Հայաստանի Արագածոտնի մարզին:

Երկրաբանական կառուցվածքի տեսակետից տարածքը ընդհանուր առմամբ ունի համեմատաբար միատարր հրաբխային կազմություն և երիտասարդ հասակ:

Շիրակի մարզը լինելով ծովի մակերևույթից մոտ 1 500-2000 մ բարձրության վրա (մարզի 52 գյուղեր գտնվում են ծովի մակերևույթից մոտ 1 500-1700 մ, իսկ 55-ը՝ 2000 մ բարձրության վրա), հանդիսանում է Հայաստանի ամենացրտաշունչ տարածաշրջանը:

Մարզի տարածքում են գտնվում Արփի լիճ-ջրամբարը, Ախուրյանի ջրամբարի հայկական հատվածը և Մանթաշի ջրամբարը:

Սևանա լճից հետո մեծությամբ երկրորդ ջրային ավազանը և մարզի միակ լիճը Արփին է, որն ունի ծովի մակերևույթից ավելի քան 2000 մ բարձրություն: Լճից սկիզբ է առնում Արաքս գետի ձախակողմյան վտակ՝ Թուրքիայի հետ սահմանային, Ախուրյան գետը: Ախուրյան գետի վրա գործում է Ախուրյանի ջրամբարը, որն իր 526 մլն.մ³ ծավալով խոշորագույնն է հանրապետությունում: Ախուրյան գետի վրա գործում են 8 ՀԷԿ-ներ:

Շիրակի մարզի տարածաշրջանի ՄՄՏՀՆ նախագիծը իրենից ներկայացնում է փաստաթուղթ, որտեղ արտացոլված են բնական պաշարների (օդ, ջուր, հող, բուսականություն, հանքեր) ինտենսիվ և արդյունավետ օգտագործման վերաբերյալ նախագծային, պրակտիկ գործունեության արդյունքները՝ տնտեսության ճիշտ կազմակերպման, կոմունիկացիաների, կաթսայատների ճիշտ տեղադրման անթափոն տեխնոլոգիաների և մաքրման սարքավորումների կիրառմամբ, կենցաղային և արդյունաբերական թափոնների մաքսիմալ օգտագործման և վնասագործման ճանապարհով:

Միկրոռեգիոնալ տարածական պլանավորման հիմնադրության փաստաթղթերի մշակման հայեցակարգի հիմքում դրված է տարածքային զարգացման հիմնական ուղղությունների, ներդրումների համար առավել բարենպաստ ոլորտների ընտրությունը և դրանց տարածքային տեղաբաշխման գոտիների հատակագծային կազմակերպումը, այդ հենքի վրա այնպիսի քաղաքականության մշակումով, որի իրականացումը կնպաստի մարզի տնտեսական զարգացմանը, աշխատատեղերի ստեղծմանը և բնակչության ապրելակերպի բարելավմանը:

Ծրագրային փաստաթղթում կարտացոլվեն միկրոռեգիոնում ներառված համայնքների տարածքային զարգացման քաղաքականության արդյունավետ իրականացմանը նպաստող քաղաքաշինական ծրագրային այն հիմնական գործողությունները, որոնք անհրաժեշտ են տարածքների մրցունակությունը բարձրացնելու և Հայաստանի մարզերի միջև զարգացման առկա անհամաչափությունները մեղմելու համար:

Բնակավայրերի զարգացման ծրագրերի մշակման ժամանակ շրջակա միջավայրի տարրերի (ջուր, օդ, հողաբուսական ծածկույթ, կենդանական աշխարհ) պահպանության միջոցառումների մշակումը սերտորեն կապված է տարածքի հատակագծային կազմակերպման խնդիրների հետ, բնակավայրի տարածքի կարևոր էկոլոգիական հիմնախնդիրները, որոնք նպաստելու են տարածքի էկոլոգիական հավասարակշռության պահպանմանը, լուծվելու են տարածքի հատակագծային կառուցվածքի մշակման գործընթացում: Շրջակա միջավայրի պահպանության բաժնում տրված է համալիրի առանձին տարրերի՝ օդային, հողային, ջրային ավազանի սանիտարափոխանակ վիճակը, նրա բարելավման ինժեներական, տեխնոլոգիական և ագրոմեխորատիվ միջոցառումները:

Արփի լճի ջրահավաք ավազանի մշակովի լանդշաֆտները կազմված են հիմնականում



հացահատիկի և վուշի դաշտերից: Շիրակի մարզի արդյունաբերության առաջատար ճյուղերն են սննդամթերքի և խմիչքների և ոչ մետաղական հանքային արտադրատեսակների արտադրությունը:

Մարզի տարածքի երկրաբանական կառուցվածքի բազմազանության շնորհիվ բազմազան են նաև ընդերքի հարստությունները: Մարզում լայն տարածում ունեն տուֆը, պեմզան, բազալտը, անդեզիտը, կրաքարը, պեռլիտը, հրաբխային խարամն ու մոխիրը, զանազան կավերը և շատ ուրիշ շինանյութեր:

Շինանյութերի մեջ առաջնակարգ նշանակություն ունի տուֆը, որի պաշարներով հանրապետության մարզերի մեջ Շիրակի մարզը գրավում է առաջին տեղը: Շիրակի մարզում առավել հայտնի են Արթիկի, Անիպեմզայի, Պեմզաշենի և Գյումրիի տուֆի հանքավայրերը: Պեմզայի պաշարները Շիրակում գնահատվում են ավելի քան 100 միլիոն մ³: Մարզի տարբեր շրջաններում կան պեռլիտի, օբսիդիանի, հրաբխային խարամի, ավազի բազալտի, անդեզիտի պաշարներ, որոնք շահագործվում և օգտագործվում են հիմնականում մարզի սահմաններում: Բազմապիսի կավերի և դիատոմիտների պաշարներ կան մարզի տարբեր շրջաններում: Շիրակը հայտնի է նաև արդյունաբերական նշանակություն ունեցող կրաքարի պաշարներով:

Մարզի ոռոգելի տարածքը կազմում է 27.3 հազ.հա:

Մարզում կառուցված է 9 ջրամբար, գումարային 671.0 մլն.մ³ ծավալով, որոնց համար ջրաղբյուր է հանդիսանում Ախուրյան գետը: Զրանցքների վթարային հատվածների վերականգնման երեսպատման համար մշակվել է տիպարային լուծումներ:

«Շիրակ-11» (Անուշավան, Փանիկ, Մեղրաշեն, Նոր Կյանք, Հոռոմ, Վարդաքար, Հովտաշեն, Սարատակ, Լուսակերտ բնակավայրեր) միկրոշրջանը գտնվում է Շիրակի մարզի հարավ-արևելյան մասի Արթիկի տուֆերի հանքային դաշտի սահմաններում:

Առկա վիճակի վերլուծության նպատակն է բացահայտել ձևավորված կառուցվածքում առկա բացերը, և հեռանկարային առաջարկներում փորձել լրացնել դրանք և կատարելագործել առկա քաղաքաշինական միջավայրը՝ ստեղծելու մարդու հիմնական կենսական պահանջների բավարարմանն ու տեղաբնակների առօրյան լիարժեք կազմակերպելուն միտված համարավետ կենսամիջավայր:

«Շիրակ-11» միկրոռեգիոնը գտնվում է Շիրակի բուսաբանա-աշխարհագրական ֆլորիստական շրջանի արևելյան մասում, բուսական աշխարհը ներկայացված է Շիրակի ֆլորիստիկ շրջանի սևահող ալրային կարբոնատային և սևահող կրազերծված խորքային կարբոնատային հողերի վրա գյուղատնտեսական ակտիվ օգտագործվող տարածքներով:

Սույն նախագծով նախատեսված միջոցառումները կիրագործվեն արդեն իսկ գոյություն ունեցող կառույցապատման սահմաններում, հետևաբար դրանց ազդեցությունը բնական լանդշաֆտների վրա կլինի նվազագույն՝ կրելով ժամանակավոր բնույթ:

Անհետացման վտանգի տակ գտնվող, հազվագյուտ, պահպանության կարիք ունեցող բուսատեսակներին վնաս չի հասցվի, քանի որ նախագծով նախատեսված միջոցառումները նոր տարածքներ գրեթե չեն ներառում:

Գլխավոր հատակագծում տեղ գտած շինարարական աշխատանքների ժամանակ ծառահատումներ չեն իրականացվելու: Ծառա-թփային բուսականության վրա բացասական ազդեցության ի սկզբանե կանխարգելման և պահպանության նկատառումներից ելնելով նախագծման ընթացքում ինժեներական ենթակառուցվածքների ուղեգծերն ընտրվել են այնպես, որ դրանք հնարավորին քիչ չափով հատվեն ծառերի հետ:

Կենդանական աշխարհի վրա հնարավոր ազդեցությունը նվազագույնի հասցնելու նպատակով ջրատարների կառուցման ընթացքում պայթեցման և ամենաինտենսիվ շինարարական աշխատանքները կիրականացվեն ձվադրման և բնադրման ժամանակաշրջանից (ապրիլ-մայիս) դուրս: Բացի այդ, պայթեցումների ազդեցությունը



նվազագույնի հասցնելու նպատակով դրանք կիրականացվեն փոքր հզորության լիցքերով:

Ընդհանուր առմամբ, համակարգերի վերակառուցման աշխատանքների ազդեցությունները կկրեն լոկալ և ժամանակավոր բնույթ, ինչի շնորհիվ կենդանիներին հասցվող վնասը կլինի նվազագույն: Շինարարական աշխատանքների բնույթը և մասշտաբը այնպիսին են, որ նրանք իրենց փոքրածավալության պատճառով չեն կարող արգելել կենդանական աշխարհի ներկայացուցիչների սեզոնային միգրացիայի կամ ջուր խմելու ճանապարհները:

«Շիրակ-11» միկրոռեգիոնի բնակավայրերի շրջակա միջավայրի վրա տեխնաժին ազդեցության հիմնական գործոններն են.

- մթնոլորտային օդի աղտոտումը արդյունաբերական ձեռնարկությունների, բնակելի հատվածի ջեռուցման և ավտոտրանսպորտի արտանետումներով,
- մակերևութային ջրերի աղտոտումը արդյունաբերական և կենցաղային կեղտաջրերով,
- հողերի աղտոտումը կոշտ կենցաղային թափոններով,
- աղմուկը և էլեկտրամագնիսական ճառագայթումը,
- անտառի անկանոն օգտագործումը, որը համայնքների շրջակայքում էներգետիկ ճգնաժամի ժամանակ հանգեցրել է անտառային տարածքների և կենսաբազմազանության կրճատմանը:

Մարզում առավել հայտնի սելավները հիմնականում տարածված են Շիրակի լեռնաշղթայի հարավային լանջերին: Այստեղ առավել սելավաբեր են Գյումրի, Հացիկ, Զաջուռ, Մուսայելյան, Կամո, Հովիտ վտակները, որոնք որպես սելավներ գործում են հատկապես ամառային հորդառատ, հաճախ կարկտախառն անձրևների պատճառով: Սելավաբեր է նաև Կարկաչուն գետի Արթիկջուր վտակը: Գյումրի, Զաջուռ, Արթիկջուր վտակների հուններով հոսող սելավները շատ հաճախ մեծ ավերածությունների պատճառ են դառնում:

Սելավի դեմ պայքարի հիմնական միջոցներն են հանդիսանում հողաբուսածածկույթի ամրացումն ու պահպանումը, լեռնալանջերի անտառապատումը, գետահունների կանոնավորումն ու ամբարտակումը և այլ ջրատեխնիկական միջոցառումներ:

Գարնանային հնարավոր վարարումների և սելավների ռիսկերը նվազեցնելու նպատակով Շիրակի մարզի Վարդաքար բնակավայրում ընթանում են բնակավայրով անցնող սելավատարի հունի մաքրման աշխատանքներ, իրականացվել է շուրջ 180 մետր երկարությամբ հատվածի մաքրման աշխատանք:

Մարզի տարածքում սողանային երևույթները տարածված են հյուսիսային հատվածում Աշոցքի տարածաշրջանում և միկրոռեգիոնի տարածքում սողանքները բացակայում են:

«ՇԻՐԱԿ-11» միկրոռեգիոնի հողածածկույթը հիմնականում ներկայացված է սևահող ալրային կարբոնատային և սևահող կրազերծված խորքային կարբոնատային հողերով:

Հողի հիմնական աղտոտումը կատարվում է ավտոտրանսպորտի արտանետումներից, կենցաղային և արդյունաբերական թափոնների աղբավայրերից և թափոնակույտներից:

Հողի աղտոտման հիմնական աղբյուրներն են հանդիսանում՝

- ավտոտրանսպորտի, արդյունադերական ձեռնարկությունների փոշեգազային մթնոլորտային արտանետումները;
- արդյունաբերական և կենցաղային թափոնների կազմակերպված և չկազմակերպված աղբյուրները:





Քաղաքաշինության մեջ կանաչապատումը հատակագծման, կառուցապատման, բնակավայրի բարեկարգման միջոցառումների ընդհանուր համակարգի բաղկացուցիչ մասն է և իրագործվում է գիտականորեն հիմնավորված սկզբունքներով և նորմատիվներով:

Հարավային շրջաններում կանաչապատման գլխավոր խնդիրն է փողոցների, հրապարակների, բակերի և կառույցների պաշտպանումը գերտաքացումից, հյուսիսային շրջաններում՝ սառը քամիներից, ձնահյուսերից: Արդյունաբերական խոշոր կենտրոններում կարևոր է կառուցապատված տարածքի աերացիան (օդահագեցում), որն իրագործվում է տարածքը խոշոր կանաչ զանգվածներով մասնատելու միջոցով:

Միկրոռեգիոնի բնակավայրերի գյուղատնտեսական հողերը, բնակավայրերը, ջրամբարները, ճանապարհները, բնական և մարդածին անբարենպաստ գործոններից պաշտպանելու նպատակով ստեղծված են արհեստական անտառներ և անտառաշերտեր:

Միկրոռեգիոնի ավտոտրանսպորտային գլխավոր առանցքը Մ-1 միջպետական նշանակության ավտոմայրուղին է՝ Երևան-Գյումրի-պետական սահման ծրագծով և միկրոռեգիոնի տարածքով հյուսիս-հարավ ուղղությամբ ձգված: Դիտարկվող տարածաշրջանը գտնվում է Մ-1 միջպետական ճանապարհի Մարալիկ-Գյումրի հատվածի աջ կողմում: Տարածաշրջանով է անցնում հանրապետական նշանակության Հ-21 ճանապարհի Հոռոմ-Արթիկ հատվածը՝ հանդիսանալով արևելք-արևմուտք ուղղությամբ միկրոռեգիոնի երկրորդ տարանջատողային առանցքը:

Միկրոռեգիոնի բնակավայրերի կենտրոնական փողոցները հիմնականում գտնվում են բարվոք վիճակում, ինչը չի կարելի ասել երկրորդային փողոցների վերաբերյալ:

Շիրակի մարզի մթնոլորտային օդի որակը հիմնականում պայմանավորված է ասֆալտի և բետոնի գործարանների, ավտոտրանսպորտի և հանքարդյունաբերության արտանետումներով, ինչպես նաև բնակչության կողմից ձմռան ամիսներին զանազան քիմիական բաղադրության նյութերի այրմամբ:

Հեռանկարում համայնքների մթնոլորտային օդի աղտոտման աղբյուրներ կհանդիսանան արդյունաբերական ձեռնարկությունների, բնակելի և հասարակական շենքերի ջեռուցման անհատական սարքերի և ավտոտրանսպորտի արտանետումները: Արդյունաբերական ձեռնարկությունները հիմնականում պատկանում են սանիտարական վտանգավորության IV-V դասին:

Հեռանկարում նախատեսված է բոլոր ձեռնարկությունների համար 5-10% արտադրողականության աճ: Ընդամենը արդյունաբերական արտանետումները կազմում են 67,75 տ/տարի:

Հեռանկարում նախատեսված է ջեռուցման համար արևային էներգիա:

Անտառապատկան շուրջ 4 405.3 հա տարածքներից ներկայումս տնկարկներ կան ընդամենը 2 033 հա-ի վրա: Վերջին տարիներին մարզում հիմնվել է պետական ֆոնդի շուրջ 160 հա նոր անտառազանգված, իսկ համայնքներում ավելի քան 40 հա համայնքային անտառ:

Վերջին տարիներին մարզում իրականացվել են ջրամատակարարման և ոռոգման համակարգերի բարելավման մեծ ծավալի աշխատանքներ, որի արդյունքում զգալիորեն կրճատվել են ջրային ռեսուրսների անհարկի կորուստները: Զգալի աշխատանքներ են իրականացվել մարզի ջրամբարների վերանորոգման, պատվարների ամրացման (Թավշուտ, Կառնուտ, Վարդաքար) ուղղությամբ: Ընթացքի մեջ են Կապսի ջրամբարի կառուցման աշխատանքները, որոնց առաջին փուլում պլանավորվել է կուտակել 25 մլն մ 3 ջուր:

Միկրոռեգիոնի տարածքի հողերը աղտոտված չեն ծանր մետաղներով: Հողերի աղտոտվածության մակարդակը գնահատված է ցածր (խտության գումարային



ցուցանիշը՝ ԽԳՑ<16), աղտոտվածության դաս– թույլատրելի, էկոլոգիական իրավիճակը բավարար: Հեռանկարում տարածական պլանավորման նախագծերի իրականացման արդյունքում հողերի աղտոտվածության մակարդակի ավելացում չի սպասվում, քանի որ նոր արդյունաբերական ձեռնարկությունների կառուցում չի նախատեսված:

Հողերի պահպանության հիմնախնդրի լուծման համար անհրաժեշտ է հողի մշակման ժամանակակից մեթոդների ներդրում, քիմիական պարարտանյութերի օգտագործման նվազեցում, լքված հանքավայրերի վերագնահատում և տարածքների վերականգնում (ռեկուլտիվացիա), ինչպես նաև բնության հատուկ պահպանվող տարածքների ընդլայնում:

ՇԻՐԱԿ-11 ՄԻԿՐՈՌԵԳԻՈՆԻ ՏԵԽՆԻԿԱՏՆՏԵՍԱԿԱՆ ՑՈՒՑԱՆԻՇՆԵՐ /Ձև 3/				
Տեխնիկալուրեսական ցուցանիշները		Չափման միավոր	Փաստացի	Հեռանկարային
1	ՄԻԿՐՈՌԵԳԻՈՆԻ ՀԱՄԱԿՑՎԱԾ ՓԱՏՏԱԹՂԹԻ ԴԵՊՔՈՒՄ ՆԱԽԱԳԾՎՈՂ ՀԱՄԱՅՆՔՆԵՐԻ ՎԱՐՉԱԿԱՆ ՍԱՀՄԱՆՆԵՐՈՒՄ ԸՆԴԳՐԿՎԱԾ ՀՈՂԵՐԻ ԸՆԴՀԱՆՈՒՐ ՄԱԿԵՐԵՍԸ, ԱՅԴ ԹՎՈՒՄ	հա	11820.582	11820.582
2	ԲՆԱԿԱՎԱՅՐԵՐԻ ՀՈՂԵՐ	հա	1282.02	1333.8205
3	ԱՐԴՅՈՒՆԱԲԵՐՈՒԹՅԱՆ, ԸՆԴԵՐՔՕԳՏԱԳՈՐԾՄԱՆ ԵՎ ԱՅԼ ԱՐՏԱԴՐԱԿԱՆ ՆՇԱՆԱԿՈՒԹՅԱՆ ՀՈՂԵՐ	հա	152.07	127.1428
4	ԷՆԵՐԳԵՏԻԿԱՅԻ, ԿԱՊԻ, ՏՐԱՆՄՈՐՏԻ, ԿՈՄՈՒՆԱԼ ԵՆԹԱԿԱՌՈՒՑՎԱԾՔՆԵՐԻ ՀՈՂԵՐ	հա	90.162	96.202
5	ՀԱՏՈՒԿ ՊԱՀՊԱՆՎՈՂ ՏԱՐԱԾՔՆԵՐԻ ՀՈՂԵՐ	հա	146.71	298.5318
6	ՀԱՏՈՒԿ ՆՇԱՆԱԿՈՒԹՅԱՆ ՀՈՂԵՐ	հա	16.27	16.27
7	ԳՅՈՒՂԱՏՆՏԵՍԱԿԱՆ ՆՇԱՆԱԿՈՒԹՅԱՆ ՀՈՂԵՐ	հա	9919.68	9735.0449
8	ԱՆՏԱՌԱՅԻՆ ՀՈՂԵՐ	հա	3.03	3.03
9	ՋՐԱՅԻՆ ՀՈՂԵՐ	հա	210.64	210.54

Քանի որ հողային ֆոնդում պահուստային հողեր չկան, ապա հողերի նպատակային նշանակության փոփոխությունից հետո ընդհանուր տարածքի մակերեսը փոփոխության չի ենթարկվի:

Վերջին տարիների մոնիտորինգային դիտարկումները ցույց են տալիս, որ մարզի հողային ռեսուրսների գրեթե 40%-ը տարբեր աստիճանի էրոզացված են, որը, բացի բնակլիմայական անբարենպաստ պայմաններից, հետևանք է նաև ոչ կանոնակարգված գյուղատնտեսական աշխատանքների (գերարածեցում, ոռոգման համակարգերի անբարեկարգ վիճակ, հեղեղումների, ճահճացման դեմ պայքարի և ցանքաշրջանառության բացակայություն):

Հողերի բարելավման նպատակով մարզի շուրջ երկու տասնյակ համայնքների արոտավայրերում և խոտհարքներում իրականացվել են ջրարբիացման և բարելավման (քարիավաքի, հարթեցման, խոտաբույսերի ցանքի) աշխատանքներ, կանոնակարգվել են հեռագնա ալպիական արոտավայրերում արածեցման գործընթացները, որոնց արդյունքում զգալիորեն կրճատվել է լանջային էրոզիան:

Գյուղատնտեսական հողերի ընդհանուր չափը կազմում է 9919.68 հա: Առավել մեծ պաշար ունեցող Հոռոմ բնակավայրի հողերի մակերեսը կազմում է մոտ 2264 հա, իսկ փոքրագույն՝ Հովտաշեն բնակավայրինը՝ 323.91 հա:

Վարելահողերի ընդհանուր մակերեսը գյուղատնտեսական հողերի ընդհանուր պաշարում կազմում է մոտ 6500 հա:



Գյուղատնտեսական հողերը խնայողական օգտագործելու նպատակով հարկավոր է կայուն գյուղատնտեսության կիրառում, որը ներառում է շահեկան արտադրական տարածքները, էկոլոգիական միջավայրը, տեղական և ընդհանուր տնտեսական շահերը:

Առաջնային ուղղություններ են դառնում տարածքային զարգացման այն հիմնական ուղղությունները, որոնց մեջ ներդրումները նպաստավոր են այդ ոլորտների կայացման և զարգացման համար: Այդ ուղղությունների ընտրությունը կխթանեն.

- արտադրության գոյություն ունեցող հիմնական ճյուղերի զարգացումը,
- հնարավոր ռեկրեացիոն գոտիների կազմակերպումը,
- շրջակա միջավայրի բարելավումն և պահպանումը,
- ինժեներական ենթակառուցվածքի, ճանապարհային ցանցի և սոցիալ-կենցաղային համակարգի զարգացումը,
- պատմամշակութային ժառանգության պահպանությանը,
- բնական և տեխնածին վտանգավոր երևույթներից տարածքի պաշտպանությանը,
- սահմանամերձ տարածքներում բնակչության անվտանգության ապահովումը:
- միջպետական և հանրապետական նշանակության ճանապարհները կապող հատվածների վերանորոգում, միջհամայնքային ճանապարհների-կապերի վերանայում և կազմակերպում,
- բացառել գյուղատնտեսական բարձորակ և հատուկ պահպանվող տարածքների օտարումը, ինչպես նաև պատմամշակութային և բնության հուշարձաններին վնաս պատճառումը:
- հիմնական գործառնական գոտիների վերանայում և հստակեցում,
- բոլոր համայնքների գազաֆիկացում,
- համայնքներում բնակչության ապահովումը խմելու ջրով,
- համայնքներում ոռոգման ջրի ցանցի արդիականացում և ընդլայնում,
- աղբավայրերի նախատեսում սանիտարական գոտիների պահպանմամբ,
- բոլոր գյուղական համայնքների կոյուղացում:
- գյուղական համայնքների կեղտաջրերի մաքրման կայանի նախագծում և գործարկում:
- նախատեսել նոր տեխնոլոգիաներ ջեռուցման ժամանակ՝ արևային էներգիա և բիոգազ,
- նախատեսել աղբի տեսակավորում:

Տարածքային պլանավորման նախագծով զբաղեցրած տարածքների էական փոփոխություն չի նախատեսվում:

Համապատասխան տարածքային զարգացման հայեցակարգի բնակչության աճը հիմնականում պահպանում է վերջին տարիների տեղի ունեցող միտումները: Հիմնվելով Շիրակի տարածաշրջանի տարաբնակեցման համակարգի վերլուծության վրա, նախատեսվում է դիմել բնակավայրերի տարածքային աճի որոշակի սահմանափակումների: Առկա վիճակով գրեթե բոլոր բնակավայրերի բնակելի տարածքներում առկա են բազմաթիվ տնամերձ հողամասեր առանց կառուցապատման: Բնակչության աճի գործակիցը սահմանված է մինչև 10%: Տարածաշրջանի բնակչության հաշվարկային թիվը կազմում է 13973 մարդ:

Հեռանկարային քաղաքաշինական կազմակերպման հիմքում դրվել է բնակավայրերի կենսամիջավայրի բարենպաստությունն ու հարմարավետությունն ապահովելուն միտված բոլոր անհրաժեշտ նախադրյալները:

Հեռանկարային հատակագծային կառուցվածքը ձևավորելիս խնդիր է դրվել բնակչության համար ձևավորել առավել հարմարավետ, ապահով ու անվտանգ, գեղագիտական բարձր հատկանիշներով օժտված կենսամիջավայր:



Կանաչապատման գործընթացն իրականացնելիս նախատեսվում է օգտագործել տեղական կլիմայական պայմաններին և կոնկրետ նպատակների համար հարմարեցված (քամապաշտպան նպատակների համար՝ 70% խտությամբ սաղարթով, վնասակար արտանետումներից և փոշուց պաշտպանությանն ուղղված՝ ուղղաձիգ և հորիզոնական բուսատեսակների հաջորդական տնկումներ, օդափոխության ապահովման և օդի շրջանառության կազմակերպման համար՝ 50-ից ցածր խտությամբ սաղարթներով, ձայնամեկուսացման համար՝ ուղղաձիգ ծառատնկումներ, հողի սանիտարական հատկանիշներն ապահովելու և/կամ հակասողանքային միջոցառումների իրականացմանը միտված՝ արմատային խիտ համակարգով և սանիտարական հատկանիշներով օժտված) ծառատնկումների իրականացում:

Մթնոլորտ վնասակար արտանետումների հիմնական մասը բաժին է ընկնում ավտոտրասպորտին, որի արտանետումները կազմում են մթնոլորտ արտանետումների 95,2 %-ը:

Մթնոլորտ վնասակար արտանետումների քանակը ջեռուցումից, արդյունաբերությունից և ավտոտրանսպորտից կազմում է 858,63 տ/տարի:

Մթնոլորտ վնասակար արտանետումներից համայնքներից տարածաշրջանի տնտեսությանը հասցված տնտեսական վնասը կազմում է 1,15 մլն. դրամ/տարի:

Հեռանկարում արտանետումները ջեռուցումից կնվազեն տարեկան 46,59 տ/տարի՝ ի հաշիվ ջեռուցման նոր տեխնոլոգիաների:

Դիտարկվող բնակավայրերը գտնվում են Ախուրյանի ջրավազանային կառավարման տարածքում և Մանթաշ գետի ջրավազանում:

Նշված համայնքների տարածքում գետ է թափվում տնտեսակենցաղային հոսքաջրերի մի մասը, ինչը հանդիսանում է գետի աղտոտվածության հիմնական աղբյուրը:

«Շիրակ- 11» միկրոռեգիոնի բնակավայրերի հոսքաջրերի մաքարման նպատակով նախատեսվում է գշխավոր կոլեկտերի կառուցում, որը հեռացման ենթակա հոսքերը կտեղափոխի Ազատա բնակավայրի տարածքում նախատեսվող մաքարման կայան/ առաջարկվում է տեղադրել կեղտաջրերի կենսաբանական մաքարման կայանի կառուցում $\approx 800 \text{մ}^3/\text{օր}$ հզորությամբ:

Տնտեսակենցաղային հոսքաջրերի մաքարման համար գյուղական բնակավայրերում, նախատեսված է տեղադրել գործարանային արտադրության, տարբեր հզորության լոկալ կենսաբանական մաքարման սարքավորումներ: Նշված սարքավորումներն ունեն բազմաստիճանային մաքարման կառուցվածք: Մաքարման արդյունավետությունը 98%:

«Շիրակ- 11» միկրոռեգիոնից Ախուրյան գետ թափվող կեղտաջրերի քանակը կազմում է տարեկան $765,02 \text{ հազ.մ}^3$ / տարի: Կենսաբանական մաքարման կայանները կանխարգելում են գետի աղտոտվածության հետագա ավելացումը: Գետի աղտոտվածության մակարդակը հեռանկարում կմնա անփոփոխ:

Նշված համայնքների սահմաններում, գետի ջրերի աղտոտվածության մակարդակը կգնահատվի՝

Ըստ սանիտարական ռեժիմի – բարձր,

Ըստ զգայարանական ցուցանիշների – արտակարգ բարձր,

Ըստ սանիտարա-թունաբանական ցուցանիշների – բարձր:

Բերված տվյալները վկայում են այն մասին, որ ծրագրով նախատեսված մաքարման կայանների առկայությունը կկանխարգելի նշված գետի հետագա աղտոտումը:

«ՇԻՐԱԿ-11» միկրոռեգիոնի բնակավայրերում հեղեղատար կոյուղու բացակայության արդյունքում գարնանային ձնհալի և աշնանային հորդ անձրևների ժամանակ հնարավոր են տարածքների հեղեղումներ: Այս երևույթից խուսափելու նպատակով բոլոր համայնքների համար առաջարկված է հեղեղատար առուների նախագծում և կառուցում:



Բնակավայրերի տարածքները անբարենպաստ և վտանգավոր բնական երևույթներից պաշտպանելու նպատակով նախատեսվում է հեղեղատար կառույցների իրագործում, որոնց միջոցով կկանխվի հեղեղային հոսքերից հողատարածքների ողողումն ու քայքայումը:

«Շիրակ-11» միկրոռեգիոնում աղմուկի աղբյուր է հանդիսանում ավտոտրանսպորտը:

Բնակավայրերի տարածքներով հիմնականում անցնում են տեղական նշանակության ճանապարհներ և ավտոմայրուղի Հ-75:

Տրանսպորտային հոսքերի աղմուկը առաջանում է մեքենաների աղմուկից և կապված է տրանսպորտի արագությունից և շարժման ինտենսիվությունից:

Մեքենաների շարժման ինտենսիվությունը չի գերազանցում ժամում 70 մեքենա: Միկրոռեգիոնում ներառված բնակավայրերում տեղադրված են աղբի համար նախատեսված կոնտեյներներ: Աղբահանությունն իրականացվում է շաբաթը 1-2 անգամ, աղբը տեղափոխվում է հիմնականում Արթիկ քաղաքի աղբավայր:

Միկրոռեգիոնի բնակավայրերի սանիտարական մաքրման ենթակա տարածքը կազմում է 1282,12 հա:

Բնակչության թիվը կազմում է 12703 մարդ ըստ մարզպետարանի տվյալների: Թափոնների ընդհանուր քանակը ներկա իրավիճակում կազմում է 3175,75 տ/տարի:

Հեռանկարում բնակչության թիվը կկազմի 13973 մարդ: Թափոնների ընդհանուր քանակը հեռանկարում կկազմի $\approx 3493,25$ տ/տարի:

Ներկայումս աղբահանումը կատարվում է անկանոն, ինչը հանգեցնում է համայնքների սանիտարական վիճակի վատացմանը: Հաճախակի են աղբի կուտակումները:

Մարզի գյուղական բնակավայրերն ունեն ավելի վատ կազմակերպված և հաճախ բազմաթիվ փոքր աղբանոցներ:

Միկրոռեգիոնի տարածքում գործող աղբավայրերի ընդհանուր քանակը՝ 4, ներկայումս «Շիրակ-11» միկրոռեգիոնում աղբավայրերի գտնվելու վայրերն են՝ Մեղրաշեն 1 հա, Նոր Կյանք 0,5 հա, Վարդաքար 0,2 հա, Հովտաշեն՝ 05 հա:

Նախատեսվում է գոյություն ունեցող աղբավայրերի տարածքները պարսպատել, բարեկարգել: Աղբահանությունը դարձնել կազմակերպված, հողով ծածկել, մինչև ամբողջ համայնքի համար նախատեսվի տեսակավորման և վերամշակման համար աղբի հեռացման վայր:

Հիմք ընդունելով Շիրակի մարզի ԿԿԹԿ տեխնիկատնտեսական ուսումնասիրությունը, այդ թվում գոյացող ու կանխատեսվող թափոնների ծավալը առաջարկվում է ՀՀ Շիրակի մարզում ունենալ մեկ 20 հա տարածքով, 20 տարվա շահագործման ժամկետով ԵՄ չափանիշներին համապատասխան աղբավայր:

Աղբավայրի տեղադիրքի ընտրությունը կատարվել է մարզի աղբահանության տեխնիկատնտեսական ուսումնասիրության արդյունքներով ութ տարբեր տեղադիրքերի գնահատման և համեմատման միջոցով, որի արդյունքներով Բենիամին համայնքին հարող տարածքը առավել հարմարն է գնահատվել տարածաշրջանում ապագա ԵՄ չափանիշներին համապատասխան աղբավայրի հիմնման համար:

Աղբավայրի համար նախատեսվող տեղանքը գտնվում է Բենիամին համայնքի վարչական տարածքի արևմտյան մասում գտնվող լեռնագագաթի հյուսիսային լանջերի մի շարք հովիտներում, որը հիմնականում արոտավայր է հանդիսանում: Դիտարկվող տարածքը մոտ 50 հա է կազմում, որից 20 հա-ն կարող է ընդգրկվել աղբավայրում:

Տարածքի երկրաբանական և աշխարհագրական նկարագիրը համապատասխանում է աղբավայրի կառուցման համար պահանջվող ֆիզիկաերկրաբանական չափանիշներին գտնվելու է Գյումրիի հարավային սահմանից



մոտ 8 կմ հեռավորության վրա, որին կարելի է մոտենալ մարզի հյուսիսից հարավ ձգվող M1 մայրուղիով:

Արդյունաբերական բոլոր ձեռնարկությունները պատկանում են սանիտարական վտանգավորության IV-V դասին: Հեռանկարում սպասվում է թափոնների քանակի ավելացում $\approx 10\%$ -ի չափով:

Ոչ օգտագործելի թափոնները գործող օբյեկտների բնույթից կախված, թունավոր չեն և պատկանում են ՀՀ առողջապահական և աշխատանքի տեսչական մարմնի կողմից համաձայնեցված վայր տեղափոխվող թափոնների խմբին:

Այս թափոնները շինարարական, ավտոտրանսպորտային ձեռնարկություններում առաջացած թափոններն են՝ շինարարական աղբ, ավտոմեքենաների մասեր, օգտագործված տարաներ:

Ոչ օգտագործված թափոնների քանակը կազմում է 0,7 տ/տարի:

Դիտարկվող տարածաշրջանի բնակավայրերում առկա գերեզմանոցների ընդհանուր թիվը կազմում է 17, որոնցից գործող են 10-ը՝ 19.42 հա մակերեսով: Եվս 7 գերեզմանոցներ՝ 1.3 հա մակերեսով, չեն գործում:

Ընդլայնման կարիք ունեն Մեղրաշեն և Վարդաքար բնակավայրերի գերեզմանոցները՝ համապատասխանաբար 0.89 և 0.61 հա մակերեսով:

Ծրագրով նախատեսված է գերեզմանոցների պարսպապատումը ՍՊԳ-ի չափերով հետագա հուղարկավորումների ընթացքում այն չխախտելու համար:

Այն հատվածներում, որտեղ ՍՊԳ-ն պահպանված չէ, նախատեսվում է ճանապարհի երկկողմանի սահմանազատում՝ ծառուղիների միջոցով և գերեզմանոցի պարագծով երկշաղք ծառապատում:

Գերեզմանոցների ճանապարհի եզրային հատվածներում, նախագծով նախատեսված է տարածքի բարեկարգում և կանաչապատում, ինչը կնպաստի փոշու արտանետումների տարածման կանխարգելման:

Ներկա դրությամբ գյուղական բնակավայրերում ընդհանուր օգտագործման կանաչ տնկարկները (զբոսայգիներ, զբոսապուրակներ, պուրակներևայլն) կազմում են՝ համայնքներում 0,9 հա: Շինարարական նորմերի և «Կառավարության 2018 թ. Փետրվարի 08-ի N 108-ր» որոշման համաձայն գյուղական համայնքներում ընդհանուր օգտագործման կանաչ տնկարկների մակերեսը պետք է կազմի 12 մ²/մարդ, իսկ փոքր քաղաքների համար 10 մ²/մարդ:

Տնամերձ հողամասերում կանաչապատման մասը տատանվում է 0.5-ից 0.56:

Համայնքներում ընդհանուր օգտագործման տարածքների մակերեսը կկազմի 16,76 հա:

Բոլոր համայնքները՝ ընդհանուր օգտագործման կանաչ գոտի՝ 16,76/12 հա, սահմանափակ օգտագործման՝ 1153,908/825,81հա, ընդհանուր կանաչ զանգված՝ 1170,668 / 837,8 հա/մ²/մարդ:

Միկրոռեգիոնի տարածքի հողերն աղտոտված չեն ծանր մետաղներով և նոր շենքերի և շինությունների տեղադրման ընտրությունը սահմանափակված չէ: Հողերի աղտոտվածության մակարդակի փոփոխություն չի կանխատեսվում, քանի որ արդյունաբերական օբյեկտների գործարկում «Շիրակ-11» միկրոռեգիոնի տարածքում նախատեսված չէ:

Կատարված աշխատանքների արդյունքում կարելի է եզրակացնել, որ «ՇԻՐԱԿ-11» միկրոռեգիոնի զարգացման ծրագրով բոլոր նախատեսվող աշխատանքները կնպաստեն շրջանի սոցիալական և բնապահպանական իրավիճակի առողջացմանը:

Բնապահպանական իրավիճակի բարելավմանը նպաստող միջոցառումները հետևյալն են՝

- երկրորդական և միջգյուղական ճանապարհների ասֆալտապատում և խնամապատում,



- բազմաբնակարան շենքերի բակային տարածքների բարեկարգում և ասֆալտապատում, խաղահրապարակների կառուցում,
- շենքերի բակերի լուսավորության անցկացում և գյուղամիջյան ճանապարհների լուսավորության անցկացում,
- ջրամատակարարման համակարգի և կոյուղու կառուցում և բարեկարգում,
- անձրևաջրերի հեռացման համակարգի նախագծում և կառուցում,
- գետ թափվող տնտեսակենցաղային և արտադրական հոսքաջրերի կենսաբանական մաքրման կայանի նախագծում և կառուցում,
- վնասված հասարակական և արտադրական նշանակության շինությունների և կառույցների վերականգնում,
- ոռոգման ներքին ցանցի վերականգնում,
- համայնքներում հանգստյան գոտիների ստեղծում,
- համայնքների տարածքում աղբահանման և տեսակավորման կազմակերպում,
- մսի վերամշակման արտադրամասի ստեղծում (սպանդանոցի կառուցում),
- հեղեղապաշտպան անտառատնկումների իրականացում,
- ժամանակակից պայմաններին համապատասխան աղբավայրերի կառուցում, աղբամշակման գործարանի կառուցում,
- ճանապարհի եզրերին, ռեկրեացման գոտիներում կանաչապատման, ծառատնկման աշխատանքների իրականացում,
- ասֆալտապատման, ճանապարհաշինության աշխատանքներ,
- խիստ վերահսկողության սահմանում մեքենաների տեխնիկական վիճակի և որակի վրա, ինչը կնպաստի ավտոտրանսպորտի արտանետումների կրճատմանը,
- անցնել լրիվ գազով և ժամանակակից ջեռուցման տեխնոլոգիաներին, ինչը կկրճատի մթնոլորտ արտանետումները՝ տարեկան 24,48 տ/տարի,
- անցնել աղբի տեսակավորման,
- արդյունաբերությունում ներդնել առաջատար տեխնոլոգիաներ:

Հեռանկարում բնակչության թվի ավելացման, IV-V դասի արդյունաբերական ձեռնարկությունների շահագործմանը, անասնապահության, հողագործության զարգացման հետ զուգահեռ նկատվում է օդի, հողային և ջրային պաշարների աղտոտվածության աննշան ավելացում, սակայն նախատեսված բնապահպանական միջոցառումների ներդրման արդյունքում (ավտոտրանսպորտի արտանետումների վերահսկում, կեղտաջրերի մաքրման կայանների շահագործում, թափոնների կառավարում), տարածքը մնում է թույլ աղտոտվածության գոտում, այսինքն նորմայի սահմաններում:

Պարզառաքանական մաս. «Շիրակ-11» ՄՄՀՏՊ փաստաթղթում ընդգրկված 9 գյուղական բնակավայրերի համար առաջարկված քաղաքաշինական լուծումների իրականացման և շրջակա միջավայրի պահպանության արդյունավետ կազմակերպման համար, ՇՄԱՌԳ հաշվետվությունում համալիր կերպով գնահատվել են առկա բնապահպանական խնդիրները, գոյություն ունեցող իրավիճակը և ընտրվել զարգացման այնպիսի սկզբունքներ, որոնց միջոցով հնարավոր կլինի ներդաշնակորեն լուծել սոցիալական, տնտեսական և բնապահպանական խնդիրները:

Քանի որ նախագծով նախատեսված միջոցառումներն իրականացվելու են արդեն իսկ կառուցապատված բնակելի տարածքներում, հետևաբար նախագծված համակարգերի վերակառուցման աշխատանքների ազդեցությունները կկրեն լոկալ և ժամանակավոր բնույթ, իսկ բուսատեսակներին և կենդանատեսակներին հասցվող վնասը՝ նվազագույն:



Փաստաթղթի փորձաքննական գործընթացին մասնակցել են Առողջապահության, Արտակարգ իրավիճակների, Կրթության, գիտության, մշակույթի և սպորտի նախարարությունները, Կադաստրի կոմիտե, Շրջակա միջավայրի նախարարության համապատասխան ստորաբաժանումները, Շիրակի մարզպետարանը, որոնց կողմից ներկայացված դիտողություններով և առաջարկություններով ՇՄԱՌԳ հաշվետվությունը լրամշակվել է:

Ծրագրի ազդեցության ենթակա համայնքի և բնակավայրերի հանրությունը հանրային քննարկումների ձևով մասնակցել է հաշվետվության գնահատման և փորձաքննական գործընթացներին:

«Շիրակ-11» միկրոռեգիոնալ մակարդակի համակցված տարածական պլանավորման նախագիծը ներառում է մշտադիտարկում (մոնիթորինգ) և հետնախագծային վերլուծություն, ինչը թույլ կտա հիմնադրույթի գործունեության ընթացքում վերլուծել և դիտարկել համայնքների զարգացման իրատեսական սցենարները՝ քաղաքաշինական փաստաթղթերում ներառել տնտեսության զարգացման առավել իրատեսական ոլորտներ՝ տարածաշրջանի բնապահպանական պահանջների, նորմերի և սահմանափակումների համադրմամբ ապահովելով մարդու առողջության, բնականոն զարգացման և բնառեսուրսների ռացիոնալ օգտագործման հիմնախնդիրները:

Փորձաքննական պահանջ

- Հիմնադրույթային փաստաթղթի շրջանակում նախատեսվող գործունեությունների համապատասխան նախագծային փաստաթղթերը՝ մինչև իրականացումը, անհրաժեշտ է օրենսդրությամբ սահմանված կարգով ներկայացնել շրջակա միջավայրի նախարարություն՝ շրջակա միջավայրի վրա ազդեցության փորձաքննության:

- Համայնքի հեռանկարային կառուցապատման ընթացքում անհրաժեշտ է պահպանել նախագծով նախատեսված հեռանկարային լուծումները՝ բացառելով անտառային և ընդհանուր օգտագործման կանաչ տարածքների հողերի նպատակային նշանակության փոփոխությունները:

- Հիմնադրույթային փաստաթղթի դրույթների իրականացման ընթացքում կատարել շրջակա միջավայրի վրա ազդեցության մշտադիտարկում (մոնիթորինգ), կազմել հետնախագծային վերլուծության ծրագիր:

ԵԶՐԱՓԱԿԻՉ ՄԱՍ

«Հայնախագիծ» ԲԲԸ-ի կողմից ներկայացված Շիրակի մարզի «Շիրակ-11» միկրոռեգիոնալ մակարդակի համակցված տարածական պլանավորման փաստաթղթերի (ՄՄՀՏՊ) շրջակա միջավայրի վրա ազդեցության ռազմավարական գնահատման հաշվետվության վերաբերյալ տրվում է դրական եզրակացություն, վերը նշված պահանջի պարտադիր կատարման պայմանով:

«Շրջակա միջավայրի վրա ազդեցության փորձաքննական կենտրոն» ՊՈԱԿ-ի գլխավոր մասնագետ՝



Նելլի Նասիբյան